




[Fresneau]

c 234

pi











L. 20037

A MESSIEVRS  
DES ESTATS  
en la Chambre de la  
Noblesse.

M. DC. XV.

CASE

F

39

326

THE NEW YORK  
LIBRARY

1615f5X

M. D. C. X. V.





*A Messieurs des Estats en la  
Chambre de la Noblesse.*



ESSIEURS.

Vous estes tres-humble-  
ment suppliez d'inserer en  
vos cayers celuy de la nauigation & re-  
querir sa Majesté qu'il luy plaise ordon-  
ner.

Que pour faciliter le debit des de-  
niers qui passeront par le Royaume, les  
Princes & Seigneurs proprietaires des  
terres ausquelles le peage est deub sur  
les riuieres Royales facent apparoir leur  
tiltres en son Conseil, pour estre reglez  
d'ordre contre l'oppression des fer-  
miers & Receueurs, ou remboursez du  
principal, si bon leur semble, ainsi qu'il  
a esté arresté aux Estats derniers Pro-

uinciaux de Bretagne, pour faciliter le port & transport des marchandises.

Que les bardeaux des pescheries qui souz les ponts causent les assablements seront rompus, & sur tout à Nantes, dôt la riuiera se rend inutile par l'inconuenient des bancs qui s'y forment. Cela aussi a esté resolu à Nantes.

Que lettres d'Estat seront expediees aux Seigneurs Gentils-hommes, beneficiers & Officiers, &c. Associez pour le dit negoce, portât deffence à tous creanciers de non emprisonner les Pilotes Charpentiers, & Forgeurs pour leurs debtes ciuiles, pour r'appeller ceux qui sont refugiez en Espagne, Angleterre, & païs bas, aux conditions que leurs salaires seront partagez par moitié à leurs familles & à leurs creanciers.

Qu'aduis sera donné à l'Ambassadeur de France, qui est pres le Roy d'Angleterre de traiter la chasse commune des baleines aux François & Anglois en la mer Balthique & terre de Groetland, à laquelle, iusques à ce iour, les Anglois employans les Basques, sujets naturels du Roy, empeschent neantmoins les François d'y prendre part, au grand pre-

iudice des auitaillements de France.

Que deffenses seront faites à M. Antoine Godeffroy & Gerard le Roy, de se preualoir à l'aduenir du tiltre qu'ils ont donné à l'Edit surprenants plaine-ment l'industrie, la Constance perse-uerance & resolution courageuse à la poursuite dudit Edit du sieur de la Barillere, & de Matthieu Coulbe Ho-landois, pour abuser par lesdits Gode-ffroy & de Roy, les associez, comme il appert par quatre differents actes pu-blics & authentiques.

Que les interests des cy-deuant asso-ciez de bonne foy soient Iuges en Par-lement contre ledit Godeffroy & ses complices pour le retardement dudit negoce, causé du peculat & vol attené opiniastrement par ledit Godeffroy, & effrontement soustenu dans les Con-seils de l'Admirauté, esquels il a esté ap-pellé aux fins des reglements selon l'E-dit: combien que ledit Godeffroy n'eut rien de plus capable que son audace & sa temerité.

Que deffenses seront faites à Paul Parent, sieur de Villemenon, en qualité qu'il pretend de superintendant aux af-



fares de l'Admiraulté, de s'ingerer en aucune maniere en la cognoissance de l'association susdite, attédu que sa charge ne s'estend que sur les droiëts. de Monsieur l'Admiral si tost qu'ils sont nez, non sur la disposition & ordonnances: Autrement ce seroit par luy forfait contrel'authorité de Messieurs les Vis-Admiraux, creéz par le Roy, & seroit en ce fait le crime euident de cas de nouuelleté, & pour certaines autres raisons qui se diront en temps & lieu.

Qu'il plaira au Roy commander lettres de cachet, pour estre secondees de celles de Monseigneur le Chancelier, & Monsieur le President Ianin, desquelles l'ad-dresse se dira lors de l'oëtroÿ desdites lettres.

Que les articles dressez par ledit sieur de la Barillere seront mis au pied de la declaration de sa Majesté, & verifiez aux Parlements de France. Lesdits articles concertez & resolus pour la seureté des deniers, ordre des voyages, facilité de repartition au retour, reiglement aux dërées voïsturées sur les riuieres Royales pour retenir par le contreschange le payement qui se fait de six millions d'or

en monoye chacun an pour les denrées  
qui viennent des Prouinces estrâgeres.

Que sa Majesté octroyant l'election  
du grand Bureau à la compagnie asso-  
ciée, luy octroyera par sa declaration le  
gouuernemēt perpetuel dudit Bureau,  
sans qu'à l'aduenir nul y puisse preten-  
dre aucun pouuoir fors sa Majesté, pour  
oster les troubles qui pourroient cor-  
rompre l'intelligence libre du negoce.  
Il n'y aura point de seureté plus grande  
que par l'interest de toute la Noblesse,  
& des Communautez de France.

Qu'il sera permis aux associez d'as-  
sembler les compagnies és maisons de  
Ville, pour y prendre les resolutions sur  
les incidents, & fonder & establir l'or-  
dre en chacune Prouince à l'instar de  
l'ordre de la maison de ville de Paris.

Ordonnera sa Majesté que les Pre-  
uost des marchands, Escheuins, & Con-  
seil de ville de Paris feront deliurer aux  
associez, tenās le Bureau de la mer d'an  
en an trois Liures de registre en blanc,  
paraphez en chacun fueillet, d'eux ou  
de leur Greffier, pour y inserer les actes  
& diaires, tant de la mise que recepte,  
pour seruir de controolle les vns aux

autres, par trois personnages à ce commis, l'un desquels tiendra le tiltre de Controolleur general: les autres deux descriptuains & garde registres particuliers.

Que les actes qui y seront inferez signez & paraphez par les associez directeurs, auront pareil poids foy, & authorité, que s'ils estoient passez par Notaires.

Que d'an en an l'on apportera l'un desdits registres à la maison de ville de Paris pour y estre gardé comme Archivé, en vne chambre ordonnée aux actes de l'association audit negoce.

*Presenté par Jacques Fresneau Es-  
cuyer, sieur de la Fresniere, & de la  
Barillere, Autheur & Promoteur  
du negoce & Association cy dessus.*



